

अनित्य म्हसीके

संशोधक:

पं. वै. आशाकाजी बज्राचार्य

नःवही अथननी यल ।

प्रकाशक:

पुण्यराज शाक्य

नःवही जघूँछें यल

आशीर्वाद

थुगु पुण्यं जगते जय जय जुयेमा,
प्राणीवक्व याकनं मुक्ति वने फयेमा ।१।
थुकीयागु प्रभावं सुभिक्ष्य सवां जुयेमा,
दशाकुशलपाप नाशजुया वनेमा ।२।
थुगुधर्मं वखते अमृत वृष्टि जुयेमा,
सिनावनीगु अकालं गुवर्ले मदेमा ।३।
बुद्धयागु वासना लाभ याकनं दयेमा,
वोधिज्ञान सदानं दैगु चित्त जुयेमा ।४।

पं.वै. आशाकाजी बज्राचार्य

प्रचारकया बिन्ति

श्व बुद्धोपदेश बोना अनित्यं वांलाक ह्यसीका विज्याइगु दीगु आशायाना, थुगु पुस्तक दानयानागु पुण्यया प्राभावं व
उपोषध व्रत यागुलि सहयोग यापिंगु पुण्यानुभावं त्रैधातु भुवने वासयापि सकल संम्यक संबुद्धपद लाय्मा-

पुण्यराज शाक्य
नःवही जघूं छें यल ।

ॐ नमो गुरुभ्यः । नमोबुद्धाय । नमो धर्माय । नमःसंघाय ।

स्वर्गीय पं. श्री निष्ठानन्द बज्राचार्य गुरुं अनुवाद याना विज्यागु गद्य ललित विस्तर चतुर्थोऽध्याय धर्मान् लोक परिवर्तं श्वखं उल्लेख दु ।

अनित्य म्हसीके

१ पुनर्दरि श्री भगवानं भिक्षुसंघ सहित सभालोकपिन्त आज्ञा दयकाविज्यात । हे भिक्षुगणपि, श्वेतकेतु बोधिसत्त्वं जम्बुद्वीपे जन्म जूबिज्याय धका धर्मोच्चय प्राशादं ववाहाँ बिज्याना उच्चध्वज धैगु विमाने थाहाँ बिज्यानां सकल देवपुत्र-
पिन्त निजन्त्रणायाना बिज्यात । 'हे देवपुत्रपि, छिमित ह्लापा जुयाविज्यापि तथागतपिसं आज्ञा दयका वंगु च्युत्याकारप्रयोग धैगु देह त्याग याना वनेत प्रयोग यायमागु धर्म-मार्ग उपदेश बी, छिपि सकलें याकनं वा ।' थये श्वेतकेतु बोधिसत्त्वं आज्ञा दयका बिज्यागु न्यना, तुषिताभुवने बास यानाच्वंपि असंख्य तुषितकायिका देवपुत्रपि, अपसरागणपि सकलें वया युगु बिमाने च्वंवल ।

थनंलि श्वेतकेतु बोधिसत्त्वं देवपुत्रपिन्त छसिनिसें जगाजगास तथा चतुर्द्वीप लोकधातु विस्तार प्रमाणं महामण्डल

दयका विज्यात । गथिगु महामण्डल धाःसा- चित्रविचित्र, स्वस्वं स्वयमगाः । थुगु मण्डल खना, कामावचर रुपावचर धैगु भुवने बिज्यानाच्चवंपि सकसिनं थःथःगु भुवनयात शमशान तुल्य धका शमशान संज्ञायात ।

थनंनि श्वे रकेतु बोधिनःवं महामण्डलया मध्येचवंगु रत्नयागु सिंहासने बिज्याना धर्मालोकमुख धैगु, सखि व च्यागु धर्म-मार्ग, देवपुत्रपिन्त प्रकास याना कना बिज्यात । हे देवपुत्रपि, संसारे जन्म जुसैलि अवश्य मरण ज्वी, सदा स्थिर जुया च्वने देवपु, गुथायतक्क जन्ममरणं छुतय मजुल, उथायतक्क संसारयागु दुःखं छुतय ज्वीमखु, अथेया कारणे थुगु शरीर यात त्वःता जीवन मुक्त जुया वनेत सदां सत्कर्म (भिगुज्या) धर्ममार्गे उद्योग याना ज्वीमा । देह त्यागयाना वनेत गुगु धर्मे उद्योग याना, गुगु मती चिन्तना याना देह त्याग याई, उगु उगु मति चिन्तना यानागु धर्मयागु फल पुरे जुया जन्म जुवनी । गथे धाःसा- ह्मायां जगत् हित ज्वीगु धर्म सदां क्वातुक श्रद्धा तथा देह त्याग याना वंसा, थुगु पुण्यं त.धंगु मनयागु इच्छा पुरे जुया जन्म ज्वी ॥१॥ हानं लोक हित ज्वीगु मद्धर्मे आदर तथा सदा प्रसन्नगु मनयाना देह त्वःता वंसा, थुगु पुण्यं पाप रहितगु निर्मल-चित्त जुया जन्म ज्वी ॥२॥ जगत् हित ज्वीगु कार्य सदां हर्षगु चित्त याना देह त्याग याना वंसा, थुगु पुण्यं लोके प्रख्यात जुया जन्म ज्वी ॥३॥ प्राणीपिन्त रक्षा यायगु ब्रते सदां प्रेमयाना देह त्याग याना वंसा, थुगु पुण्य सदां चित्त शुद्ध जुया जन्म ज्वी ॥४॥

थुगु प्रकारं शरीर यात वशे तथा धर्म याना देह त्वःता वंसा, थुगु पुण्यं स्वता प्रकारयागु (अध्यात्मिक, आधिभौतिक, आधिदैविक) इन्द्रिय पाखें ज्वीगु, पंचमहाभूतया पाखें ज्वीगु, ह्यापायागु कर्मफलं ज्वीगु, थुगु दुःख रहितगु शुद्ध शरीर जुया जन्म ज्वी॥५॥ वचनयात वशे तथा सदां लोकपिन्त हित ज्वीगु खें लहाना देह त्याग याना वंसा, प्यंगु वाग्दोषं रहितह्य वाक्पति जुया जन्म ज्वी॥६॥ मनयात वशे तथा शरीर त्यागयाना वंसा, मेपिनिपाखें ज्वीगु अपमान, द्रोह चिन्तना, नास्तिकतां रहितजुया निर्मल आत्मम्ह जुया जन्म ज्वी॥७॥ सदां श्री बुद्ध भगवानयात लुमंका एकचित्तं नांकया देह त्वःता वंसा, समन्तदर्शी जुया, सकल विगुधयागु ज्ञानं पूर्णजुया जन्म ज्वी ॥८॥ धर्मयात लुमंका सदां धर्मयाना देह त्यागयाना वंसा, सध्वर्मयागु शरीर जुया, सकल धर्मयागु विशुद्धि ज्ञान दक्कं कने फुम्ह जुया जन्म ज्वी ॥९॥ संघयात लुमंका सदां संघयागु सेवा याना देह त्याग याना वंसा, न्याय याना न्यायं त्याके फुम्ह ब्रह्मचारी जुया जन्म ज्वी ॥१०॥ संपूर्ण वस्तुयात त्यागयाना देह त्वःता वंसा, सकल उपाधि मुक्तगु शुद्ध आत्माह्य जुया जन्म ज्वी॥११॥ श्रीबुद्ध भगवान्पिनिगु चरित्र लुमंका लोक हितयायगु इच्छां उपोषट्ठत याना देह त्वःता वंसा, बोधिज्ञानयागु तःत्रंगु प्रणिधानं पुरे जुया जन्म ज्वी ॥१२॥ देव देवतापिन्त लुमंका ध्यानयाना सदां भिगु ज्या याना देह त्याग याना वंसा, श्री सम्पत्ति पूर्णह्य दाता महासत्त्व जुया जन्म ज्वी ॥१३॥ प्राणीपिन्त मित्रभाव याना देह त्यागयाना वंसा,

दक्क उपाधि छुतयजुया पुण्यकर्म भावना बढेजुया निर्मल आत्माजुया जन्म ज्वी ॥१४॥ सकल प्राणीपिन्त करुणा तथा देह त्वःता वंसा, अहिंसकजुया सकलपापं मुक्तह्य दयावान् जुया जन्म ज्वी ॥१५॥ प्राणीपिन्त आनन्द सुख जूगु खना थःगु चित्त हर्षयाना देह त्वःता वंसा, सकल दुःखं छुतयजुया सद्धर्म सुख आनन्द ज्वीगु ज्या आरम्भयात व्यवहार याईह्य जुया जन्म ज्वी ॥१६॥ प्राणीपिन्त थःहे समान भाषा रक्षायाना देह त्याग याना वंसा, मार्च्चर्यासि विरत जुया बोधिज्ञानं पुरेजुया जन्म ज्वी ॥१७॥ सकल विषययात अनित्य खना ब्रह्मचर्य पालनयाना देह त्याग याना वंसा, कामधातु, रूपधातु, अरूपधातु, थुकिं छुतयजुया मोक्षपद वनिह्य जुया जन्म ज्वी ॥१८॥ संसारे सकल प्राणीया दुःखे दुःख हे जक सिवाय सुख धंगु छुं मदु धका दुःखीयात खना दुःख तरेयाना देह त्वःता वंसा, संसारयागु विषयं छुतय जुया, मोक्ष वनिह्य जुया जन्म ज्वी ॥१९॥ सकल विषयसं जि जिगु धंगु अभिमान हे जक धका सीका अभिमान त्वःता देह त्याग याना वंसा, विषययागु स्नेह मदया बोधिज्ञान लायगुली अग्रसरह्य जुया जन्म ज्वी ॥२०॥ सकल कार्यसं शान्त जुया सहनशीलता धर्मचवना देह त्याग-याना वंसा, नीतियागु दोषं मुक्तजुया इन्द्रिययात जितयज्जुया जुया जन्म ज्वी ॥२१॥ मख्गु ज्या यायगुली लज्या चाया सत्पुरुषयागु

भरोताय च्वना भिगु ज्यायाना देह त्वःता वंसा, सदां शान्तगु आत्मा जुया परोपकारी जुया जन्म ज्वी ॥२२॥ सदां लज्यायात त्वःता सत्मित्रयागु भजन याना देह त्याग याना वंसा, पिनेयागु विषय जालं छुतय जुया लोकपिन्त कल्याणगु ज्या याईह्य जुया जन्म ज्वी ॥२३॥ सदां सत्य धर्म च्वना देह त्याग याना वंसा, देवता व मनुष्यपिनिगु भेद भाव छुतय जूह्य जुया जन्म ज्वी ॥२४॥ सकल वस्तुसं प्राणीयागु भावना खंका समभाव याना देह त्वःता वंसा, आत्मयागु भेद भाव मदया निर्मलगु आशय जुया जन्म ज्वी ॥२५॥ सदाकालसं सद्धर्म उद्योग याना देह त्वःता वंसा, सदां लोकपिन्त धर्म प्रचार याईह्य जुया जन्म ज्वी ॥२६॥ श्री त्रिरत्न (बुद्ध, धर्म, संज्ञ) यागु शरणे वना बोधिचर्या ब्रतयाना देह त्याग याना वंसा, कःय, वाक, चित्तयागु संपूर्ण पाप नाश जुया बोधिज्ञान लाईह्य जुया जन्म ज्वी ॥२७॥ मेपिसं थःत उपकार यागु लुमंका थमं उपकार याना देह त्याग याना वंसा, थमं यानागु उपकार (भिगुज्या) यानागुया फल सदां स्थिर जूह्य जुया जन्म ज्वी ॥२८॥ सदां भिगु ज्या यायगु सीका लोकरपिन्त हितयाना देह त्याग याना वंसा, छुकीसं मेपिसं दोष बीमफुह्य जुया सदां जश प्रकाश जूह्य जुया जन्म ज्वी ॥२९॥ आत्मायात ह्यसीका जगते दक्क समान धका भाःपा देह त्वःता वंसा, सकलयागु आत्मयात पुण्य मार्गे सालाकाइह्य जुया जन्म ज्वी ॥३०॥ प्राणीयागु इच्छानुसार ज्ञानं सीका द्रव्य साधन याना प्राणी रक्षायाना देह त्याग याना वंसा परयागु विपत्ति तरे याईह्य जुया जन्म ज्वी ॥३१॥ धर्मसीका धर्म याना देह त्याग याना वंसा, धर्म अधर्म दक्क

स्यूह्य जुया जन्म ज्वी ॥३२॥ बखत सोका पुण्य साधना याना देह त्याग याना वंसा, सम्यक्दृष्टि प्राप्त जुया जन्म ज्वी ॥३३॥
 यःन स्यंके धका वःपि शत्रुगणपिन्त माने याना देह त्वःता वंसा, बोधिज्ञानं पूर्णह्य जुया जन्म ज्वी ॥३४॥ मती कल्पना मतसे
 निर्विकल्प याना बोधिचर्याव्रत याना शरीर त्वःता वंसा, आत्मायागु शक्ति बल्लाना लोके तःधंह्य जुया जन्म ज्वी ॥३५॥
 न्ह्यागु ज्याखँसं जिद्दीवाला मजुसे नम्र जुया लोकयात बोधयाना देह त्यागयाना वंसा, अकृति मुक्त जुया,
 सद्धर्म सुख पावेजुया जन्म ज्वी ॥३६॥ मुक्तिबल धारण याना लोकहित याना देह त्वःता वंसा,
 संदेह मद्गु सकल अर्थ साधना परमपद प्राप्त ज्वीह्य जुया जन्म ज्वी ॥३७॥ मभिगुवात
 वंसां भिगु बिचारयाना देह त्यागयाना वंसा, बिषययागु तर्कनां छुतयजूम्ह जुया जन्म ज्वी ॥३८॥ स्वैतं द्रोह मयासे चित्तयात
 शुद्धयाना शरीर त्वःता वंसा, तर्कनां छुतय जुया सत्गुणयागु श्री सम्पत्ति सहित जुया जन्मज्वी ॥३९॥ न्ह्यागु ज्याखँसं मोह मजुमे
 देह त्यागयाना वंसा, अज्ञानरूपी अन्धकारयात नाशयाना धर्मरूपी ज्योति जुया जन्म ज्वी ॥४०॥ सदां धर्महे जक माला धर्मयाना
 देह त्वःता वंसा, धर्मरूपी कल्याणगु धर्म प्रचार यार्ईम्ह जुया जन्म ज्वी ॥४१॥ सदां धर्म हे जक यायगु इच्छां देह त्यागयाना वंसा,
 सकल लोकपिन्त कल्याण यार्ईम्ह जुया जन्म ज्वी ॥४२॥ शास्त्रे अभ्यास याना भिगु बचनन्यना देह त्यागयाना वंसा, योनि छुतय
 ज्वीम्ह जुया जन्म ज्वी ॥४३॥ लोकपिन्त भिगु कार्ये प्रयोग याना पालना याना देह त्यागयाना वंसा, तधंगु ऐश्वर्य प्राप्तजूम्ह जुया

जन्म ज्वी १४४। षष्ठ संसारे वक्व वस्तु नाम संज्ञा जक खः धका मनयात बोधयाना देह त्यागयाना वंसा, न्हयागु संगत पाखेंन बचय जुया निश्कलेश जुया जन्म ज्वी १४५। लोकयागु कारण विशेष बिचारयाना हितयाना देह त्यागयाना वंसा, सकल दिथां युक्तम्ह महासत्त्व जुया जन्म ज्वी १४६। करपिसं न्ह्यागु दोष व्यूसां थःगु चित्तयात भतिचाहे कम्प मयासे धंयंयाना देह त्यागयाना वंसा, प्रतिज्ञा पुरेजूम्ह जुया जन्म ज्वी १४७। न्यागु स्कंधयागु विषययात सीका कुशलगु कर्म याना देह त्यागयान वंसा, सकल विषय पाखें ज्वीगु दुःखयात नाश यायगु ज्ञान स्यूम्ह जुया जन्म ज्वी १४८। किंच्यागु धातुयात समान खना भाव याना देह त्वता वंसा, गवर्जे दुःख धंगु उदय मजूम्ह जुया जन्म ज्वी १४९। किंनिगु आयतनयात वशे तथा भिगु विचार याना देह त्वःता वंसा, बुध्द क्षेत्रे गमन यायगु पदवि प्राप्त जुया जन्म ज्वी १५०। विपरीत जुगुलि क्षमायाना देह त्यागयाना वंसा, निरोध ज्ञानं पूर्णम्ह जुया जन्म ज्वी १५१। शरीर यागु विषययात दुने पिने बांलाक विचार याना पुण्य साधनायाना देह त्याग याना वंसा, शरीर-यागु चर्या पुरेजुम्ह जुया जन्म ज्वी १५२। प्राणीपिन्त वेदना जूगु लुमंका करुणा तथा देह त्यागयाना वंसा, सकलयागु दुःख फुके-गुली करुणा दुम्हजुया जन्म ज्वी १५३। चित्ते उत्पत्ति जूगु अनेक खें यात विचारयाना देह त्यागयाना वंसा, संसारे सकल वस्तु मायोपम धका निर्वृत्तिपद साधना यायगुलि तत्पर जुम्ह जुया जन्म ज्वी १५४। धर्मे स्मृति तथा तथागतयागु भजनयाना देह त्वःता वंसा, अज्ञानरूपी अन्धकार यात नाश यायगु निर्मल ज्ञान प्राप्त जुया जन्म ज्वी १५५। प्येंग सम्यकप्रवृत्ति. अनन्त

उत्पन्न, अकुशल यात परित्याग यांना अनुत्पन्न, उत्पन्न कुशलधर्मे भावना पुरेज्वीक ज्वना सत्ब्रतयांना देह त्यागयांना वंसा, सकल अकुशलगु धर्मयात त्याग याईम्ह जुया जन्म ज्वी ।५६। प्यंगु ऋधदीपाद- छन्द, वीर्य, चित्त, विमर्ष थुक्रियागु दिव्यशक्ति धारणा यांना जगतयात हित यांना देह त्वःता वंसा, सकल अर्थ साधना यायगुली शरीर चित्त हलुका जुया जन्म ज्वी ।५७। श्रद्धेन्द्रिय धारणा यांना देह त्वःता वंसा, इन्द्रियं मभिगु ज्या यायगुली लिच्यूम्ह जुया जन्म ज्वी ।५८। वीर्यन्द्रिय धारणा यांना देह त्याग यांना वंसा, मतीं चिन्तना यांनागु पुरुषार्थ साधना यायगु ज्ञान प्राप्तजूम्ह जुया जन्म ज्वी ।५९। स्मृतीन्द्रिय धारणायांना देह त्यागयांना वंसा, पुण्यकर्मे बिचार दुम्ह जुया जन्म ज्वी ।६०। समाधीन्द्रिय धारणा यांना देह त्याग यांना वंसा, चित्तयात मुक्तिमार्गे तरेयाईम्ह जुया जन्म ज्वी ।६१। प्रज्ञेन्द्रिय धारणायांना देह त्याग यांना वंसा, बांलाक परीक्षा यायगु ज्ञान दुम्हजुया जन्म ज्वी ।६२। श्रद्धाबल धारणा यांना देह त्याग यांना वंसा, मारयागु बल हतय याईम्ह जुया जन्म ज्वी ।६३। वीर्यबल धारणा यांना देह त्यागयांना वंसा, मतीं चिन्तना यांनागुली लिमच्यूम्ह जुया जन्म ज्वी ।६४। स्मृतिबल धारणायांना देह त्यागयांना वंसा, सुनानं त्याके मफुम्ह महाभिज्ञ जुया जन्म ज्वी ।६५। समाधिबल धारणा यांना देह त्यागयांना वंसा, सम्पूर्ण मनयागु तर्कना छुतय जूम्ह जुया जन्म ज्वी ।६६। प्रज्ञाबल धारणायांना देह त्यागयांना वंसा, न्ह्यागु ज्याखेंसं बिचार यायगुलीकष्ट मज्जुम्ह बिचक्षणजया जन्म ज्वी ।६७। स्मृति बोध्यङ्ग साक्षात ब्रध्वं यांना बिज्यागु धर्मे

स्मृतिज्ञानयागु अङ्ग धारणायाणा देह त्याग याणा वंसा, यथायोग्य पूर्वक धर्मयागु ज्ञानसिया बोधिसत्वजुया जन्म ज्वी १६८। धर्मप्रविचय संबोध्यङ्ग (धर्म अन्वेषणा) धर्म मालेगु बोध्यङ्ग धारणा याणा देह त्यागयाणा वंसा, सकल धर्मार्थयात पूर्ण यार्ईम्ह जुया जन्म ज्वी १७१। बुद्ध धर्मे अत्यन्त उत्साहगु बोध्यङ्ग धारणा याणा देह त्यागयाणा वंसा, विचित्रगु तःधंगु बुद्धि जुया जन्म ज्वी १७०। प्रीति संबोध्यङ्ग धारणा याणा सद्धर्म साधना याणा देह त्यागयाणा वंसा, समाधी उद्योगीम्ह जुया सकसियां प्रेम जुया जन्म ज्वी १७१। प्रश्रब्धि (चित्तयागु शान्ति) बोध्यङ्ग धारणा याणा देह त्यागयाणा वंसा, याणागु, यायमानिगु दक्क ज्ञान स्यूम्ह जुया जन्म ज्वी १७२। समाधि संबोध्यङ्ग धारणा याणा देह त्यागयाणा वंसा, सन्नता ज्ञान प्राप्त जुया जन्म ज्वी १७३। उपेक्षा (शत्रु मित्रु धका यः मयो मयायगु) बोधिज्ञानयागु अङ्ग धारणा याणा देह त्यागयाणा वंसा, सम्पूर्ण उत्पत्ति जुक्क छुक्सिं निन्दा दोष मदया बोधिज्ञान पूर्णह्य जुया जन्म ज्वी १७४। भिगु विचार याणा स्वया धर्म साधना याणा देह त्यागयाणा वंसा, अन्याय पाखे फरक जुया मोक्षपुरे वनिह्य जुया जन्म ज्वी १७५। मतो भिगु इच्छा याणा सदां शुभगु कायं याणा देह त्यागयाणा वंसा, सकल, कल्प बिकल्पं (तकं वितर्कं) छुत्तय जुया निर्मलगु इन्द्रिय जुया जन्म ज्वी १७६। सदां सत्यगु खे ल्हाना धर्म प्रचार याणा जगत हित याणा देहत्याग याणा वंसा, सकल आख मिलय जुया दैच्चंगु शब्द धर्म ज्ञान बोध यार्ईह्य जुया जन्म ज्वी १७७। सदां भिगु ज्या याणा देह त्वःता वंसा,

थःगु मभिगु कर्म फल क्षय जुया सदां सुख भोग यार्इह्य जुया जन्म ज्वी ।७८। सदां भिगु याना जीविका याना देह त्वःता वंसा,
 हर्ष पूर्वक लोक बोध यायगुली श्रद्धा दुह्य जुया जन्म ज्वी ।७९। भिगु ज्यास परिश्रम याना देह त्याग याना वंसा, संसार रूपी
 समुद्रं तरे जुया वनिह्य जुया जन्म ज्वी ।८०। भिगु स्मृति धारणायाणा देह त्याग याना वंसा, गवर्लेसं स्मृति छुतय मज्जूह्य जुया
 जन्म ज्वी ।८१। तःधंगु समाधि ज्ञान धारणा याना देह त्याग याना वंसा. क्रोध मदया योग साधना यायगुली उद्योगीम्ह जुया
 जन्म ज्वी ।८२। बोधिचित्त ज्ञान धारणा याना देह त्याग याना वंसा, त्रिरत्नयागु कुलं छुतय मज्जूम्ह जुया जन्म ज्वी ।८३।
 भिगु आशय याना महायान चर्या याना देह त्याग याना वंसा, हीनयाने वनेगु इच्छा मदुम्ह जुया जन्म ज्वी ।८४।
 योग यायगुली दृढ याना देह त्याग याना वंसा, तःधंगु बुद्ध धर्मविलम्बी जुया जन्म ज्वी ।८५। सद्धर्म अत्यन्त उद्योग याना
 देह त्याग याना वंसा, सकल कुशल धर्म पुरेजुया जन्म ज्वी ।८६। दानपारमितायागु चर्या पुरेयाना दरिद्र दुःखीयात
 उद्धार याना देह त्याग याना वंसा, तःधंगु बुद्ध क्षत्रे सुईनिता लक्षण चयता व्यञ्जनं पूर्णह्य बोधिसत्त्व जुया जन्म ज्वी ।८७।
 शीलपारमितायागु चर्या पुरेयाना मभिगु शीलस्वभाव जुया च्वंप्पि प्राणीपिन्त सुधार याना देह त्याग याना वंसा, दुर्गति
 छुतयजुया सद्गती वना जन्म ज्वी ।८८। क्षान्तिपारमितायागु चर्या पुरेयाना परद्रोही जुया च्वंप्पि प्राणीपिन्त उद्धार याना
 देह त्याग याना वंसा, सम्पूर्णदोष, मान मदरूपी अन्धकारवात नाशयार्इह्य जुया जन्म ज्वी ।८९। वीर्यपारमितायागु चर्या

पुरेयाना करपिन्तस्यंका थःत कतिलाकाः व्याजं जीविका याना च्वंपिन्त बोधयाना लोक उद्धार याना देह त्याग याना वंसा, सकल दोष, मान, मद, अभिमानरूपी अन्धकारयात नाश याईह्य जुया जन्म ज्वी १९०। ध्यानपारमितायागु चर्या पुरेयाना चञ्चल चित्त जुयाच्वंवि प्राणीपिन्त सुस्थिर धर्मं तथा देह त्याग याना वंसा, संम्यक्संबोधि ज्ञान लाना सर्वज्ञ ज्वीम्ह जुया जन्म ज्वी १९१। प्रज्ञापारमितायागु चर्या पुरेयाना दुर्बुद्धिजुया च्वंवि प्राणीपिन्त सुबुद्धि प्रकाश याना सद्धर्मं तथा देह त्याग याना वंसा, अविद्या, मोहरूपी साक्षात् अन्धकारगु दृष्टियात परित्याग याईह्य जुया जन्म ज्वी १९२। उपाय कुशल धर्म धारणा याना प्राणीयात कल्याण याना देह त्याग याना वंसा, सत्त्व प्राणीपिन्त मुक्तिमार्गं क्यना सम्पूर्ण बुद्ध धर्म बोध याईह्य जुया जन्म ज्वी १९३। चतुः संग्रह वस्तु दान, सेवा, चर्या, सामानार्थता थ्व प्यंगुयात धारणा याना सत्कृत याना देह त्याग याना वंसा सकल लोकया मालिक जुया संम्यक्संबोधिज्ञान लाईगु धर्मप्राप्त जुया जन्म ज्वी १९४। प्राणीपिन्त उत्रेयाना यस साधनायाना देह त्यागयाना वंसा, धर्मार्थ साधना यायगुली खेद मदुह्य जुया जन्म ज्वी १९५। सद्धर्मयात ग्रहण याना सम्पूर्ण ल्केशयान नाश याना देह त्याग याना वंसा, निर्मलगु आत्मा जुया सकल प्राणीयागु पाप फुका बीम्ह जुया जन्म ज्वी १९६। दक्ख पुण्ययात मुना कल्याणगु चर्या याना देह त्याग याना वंसा, सकल जीवात्मायागु जीव रक्षा याईह्य जुया जन्म ज्वी १९७।

दक्क ज्ञान यात मुना बोधिज्ञान साधना यांना देह त्याग यांना वंसा, ऋगु बलं पुरेजुया महासत्त्व जुया जन्म ज्वी ।९८। दक्क बलयात जम्मायांना पापयात जितययांना देह त्याग यांना वंसा, तथागतपिसं यांना बिज्यागु समाधि प्राप्त जुया जन्म ज्वी ।९९। विदर्शना (संसारे दक्क वस्तु अनित्य धका ज्ञानं खंका विचार यायगु) थुकि विचार यांना देह त्वत्ता वंसा, प्रज्ञा चक्षु प्राप्त जया जन्म ज्वी ।१००। संसारे दक्क प्राणीयागु जन्म विचार यांना देह त्याग यांना वंसा, सम्पूर्ण धर्म चक्षु प्राप्त जुया जन्म ज्वी ।१०१। सुविद्या, धारणी धारणा यांना देह त्याग यांना वंसा, तथागतपिसं आज्ञा दयका बिज्यागु सम्पूर्ण धर्मयात धारणा थाईम्ह जुया जन्म ज्वी ।१०२। वखत अनुसार बुद्धि प्रचार यांना जगतयात कल्याण यांना देह त्याग यांना वंसा. सकल प्राणीपिन्त वचन द्वारं प्रसन्न यायफुम्ह जुया जन्म ज्वी ।१०३। अधर्मे सहनशीलता मदुम्ह जुया लोकयात हित यांना देह त्याग यांना वंसा, तथागतपिसं यांना बिज्यागु धर्मक्रमथे प्राप्त ज्वीह्य जुया जन्म ज्वी ।१०४। धर्मोदय जूगु थासय् सहनशील पुरेयांना धर्म यांना देह त्याग यांना वंसा, धर्म व्याख्यान यायगु शक्ति प्राप्तजूह्य जुया जन्म ज्वी ।१०५। बुद्धयागु धर्म गवलें छुतय मज्जीक धारणा यांना देह त्याग यांना वंसा, सकल मुनिमध्ये इन्द्र जुया बिज्यापि तथागतपिसं आज्ञा दयकाबिज्यागु धर्म पुरेयाईह्य जुया जन्म ज्वी ।१०६। छगु जक थासय् मच्चंसे सकभनं चा.हिला धर्म उपदेश बिया सद्गुण धारणा यांना देह त्याग यांना वंसा सर्वज्ञ ज्ञान प्राप्त जुया महाअभिषेक पावे ज्वीम्ह जुया जन्म ज्वी ।१०७।

सकलधर्म पुरेयाना अभिषेक लाना देह त्याग याना वंसा, उत्तमगु बुद्धक्षेत्रे जन्म जुया बाललीला कयना, गृह त्याग याना छ्ये
 प्याहौवना चूडःकर्म, दुष्कर चर्या याना बोधिमण्डपस वना तपस्या याना मारया सेनापिन्त धर्मयाना, अनुत्तर बोधिज्ञान
 लाना, धर्म चक्र प्रवर्तन याना आपालं लोकपिन्त बोधयाना, निर्वाणपद प्राप्त ज्वीम्ह जुया जन्म ज्वी । १०८। “हे देवपुत्रपि,
 थुगु प्रकारं गुम्हसिनं गुगु धर्म उद्योग याना गुगु मरी निन्तरा याना देह त्याग याना वनी, उम्हसिनं उगु उगु फन्द लाना
 भोग यावनी । (मरणे यद्गति भवति जन्म तच्च भविष्यति) मरण ज्वीबले मर्ती छु इच्छा याना देह त्याग यार्ई, जन्म
 ज्वीबले वहे इच्छा पुरे जुया जन्म ज्वी ।” थये धका श्वेतकेतु बोधिसत्वं सल्लिखच्यागु धर्मालोकमुत्र प्रकाश याना
 कना बिज्यागु न्यना चयवगाद्ध देवपुत्रपिनि मरी अनुत्तराया सम्यक्त्तं बोधिज्ञान लायगु वाञ्छा याना, सुईनिद्धः देवपुत्रपिनि
 ह्लापायागु कर्म फलं उत्पत्ति जूगु धर्म सहनशोलता प्राप्तजुया, सुईखुद्धः देवपुत्रपिनि राग द्वेषं रहितगु निमलगु धर्म
 धर्म चक्षु प्राप्त जुया अन दक्क देवपुत्र सफसिनं मन प्राप्त जुया उगु भुवने पुलि पुलित तुक दिव्य सुगन्ध वासना दुगु स्वा वा
 गाका बिन्ति यानाचवना ।

पुनवरि(हानं)श्वेतकेतु बोधिसत्वं देवपुत्रपिन्त आज्ञादयका बिज्यात । “भो देवपुत्रपि छिमिसं ह्लापा पूर्वजन्मे धर्मयाना
 वःगुलिं थौं छिपि देवपुत्र धायका अप्सरापिनि नाप चवना सुखभोग यायदत धका सीका पापकर्म यायगु त्वःती । पापकर्म
 याःसा अबीचि नरके वना नरकभोग यायमाली । जिगु उपदेश न्यंसा छिमित अनन्त सुख ज्वी, संसारे नित्य बस्तू छुं मदुगुलि

स्यनावनिगुलि फुनावनिगु, सदां थीर छुं मद्दु, संसार धैगु माया स्वरूप, पलपसार्थे क्षणमात्रनं प्रकाश ज्वी । तत्कालं नाश ज्वी, समुद्रयागु फीजर्थे थीर मज्जु धकासीका कामभोग यायगुली रस यायमते, कामभोगं गबलें तृप्त ज्वी मखु, गथे चिसवावःगु लः त्वनेबले ऊन् ऊन् त्वनेगु इच्छा ज्वी, वर्थेतुं कामभोगनं गबलें तृप्त ज्वीमखु धका सीका विचार यानाः सोः, संसार अनित्य सिना बनेबले मां बौ दाजु विजा कलाः इष्टमित्र सुं वंमखु । केवल पाप पुण्य निम्ह जक वं पापयाःम्ह नरकवनि, धर्मयाःम्ह स्वर्गवनी धका सीका थिथि मायाप्रीति तथा मैत्रीचित्त याना परोपकारी जुया, बुद्ध धर्म संघयागु भजन, धर्मया कथा न्यः शुचिनेम याना दानपुण्य यायगुलि सदां रस याः, क्षमा धर्मे च्वें थुलि या सा जक सदां कल्याण ज्वी, दुःख धयाह्यसिया शरीर आकारं छुं मद्दु, अनित्य स्वभाव धका सीका चानंह्लिनं धर्मयाः, धर्मर्थे तधंगु नित्यगु वस्तु मेगु छुं मद्दु, सो सो छिमिसं जिगु दिव्यदेहयागु प्रभाव गूण, ज्ञान, लक्षण, तेज, बल, बुद्धि, पराक्रम दक्कं सो, जि पूर्वजन्मे याना वयागु धर्मया प्रमावं थथिगु फल जितः लात, छिमिसनं पूर्व जन्मे धर्मकर्म याना वःगुलि देवपुत्र धायका सुखभोग यायेदत, अथे धर्मया कथा न्यना राग द्वेष उत्पत्ति जुदा च्वंगु पापयात नाश यानाछ्व, अभिमान अहंकार यायमते । अहंमम धैगु नरक वनिगु मार्ग धका सीका छिमिसं त्वःती, हानं गन धर्मयात निन्दा याना खं लहानाच्चनि उगुथास छिपि गबलें च्वनेमते, अधर्मो-नाप संगत यायेमते ।" थथे श्वेतकेतु बोधिसत्वं देवपुत्रपिन्त आज्ञा दयका विज्यात धका श्री भगवानं भिक्षुसङ्घ सहित सभालोकपिन्त आज्ञा दयका विज्यात ।

इति श्री ललितविस्तरे धर्मलोकमुखपरिवर्तः नाम चतुर्थोऽध्यायः ।

दुर्गति परिशोधन धारणी

(श्व धारणी सकल दिवंगत जुया वंपि (सिनांवंपि) न्ह्याम्हं सत्व प्राणिपि उद्धार ज्वीमा घका बोनेमागु खः ।)

ॐ नमो भगवते सर्व दुर्गति परिशोधन राजाय तथागतायाहंते संम्यक् संबुद्धाय । तद्यथा । ॐ शोधने
शोधने विशोधने विशोधने सर्वपापं विशोधने ॐ शुद्धे विशुद्धे सर्व कर्म आवरण विशोधने स्वाहा ॥

थुगु पुण्य यार्के सर्वज्ञयागु ज्ञान पदवी लाना, दुष्ट मारगण दमन याना, जन्म जरा व्याधि मरणयागु दुःख पिर लाना
चोंपि भव सागरं लोक छुते ज्वीमा !

1875

